

百病辨證錄
卷柒
共八本

瑤孫氏

增補百病辨證錄總目

卷之一

傷寒門 四十三則

中寒門 七則

卷之二

中風門 二十五則

痺證門 十一則

脇痛門 五則

頭痛門 六則

腰痛門 六則

卷之三

咽喉門 七則

牙齒門 七則

鼻淵門 三則

目痛門 十二則

血症門 二十一則

遍身骨痛門 四則

卷之四

五營門 六則

咳嗽門 八則

怔忡門 三則

驚悸門 二則

不寐門 五則

健忘門 四則

狂病門 六則

呆病門 三則

喘門 四則

虛煩門 二則

癰瘤門 六則

呃逆門 五則

口舌門 二則

耳痛門 七則

腹痛門 六則

心痛門 六則

卷之五

關格門 五則

中滿門 四則

翻胃門 五則

臌脹門 七則

厥症門 七則

春溫門 三十三則

卷之六

火熱症門 十六則

暑症門 十一則

燥症門 十五則

痿症門 八則

卷之七

消渴門 五則

瘧症門 十一則

汗症門 五則

五痺門 十則

大瀉門 九則

痢疾門 十三則

癰疽門 八則

卷之八

瘧疾門 十則

虛損門 十二則

癆瘵門 十七則

夢遺門 七則

陰陽脫門 五則

淋證門 七則

卷之九

大便閉結門 九則

小便不通門 六則

內傷門 二十三則

疝氣門 附奔豚八則

陰痿門 五則

痰症門 二十一則

卷之十

鶴膝門 二則

癘風門 二則

遺尿門 三則

脫肛門 二則

強陽不倒門 二則

發斑門 三則

火丹門 二則

離魂門 三則

瘰癧門 二則

腳氣門 一則

中邪門 六則

中妖門 六則

中毒門 十二則

腸鳴門 三則

自笑門 附自笑 三則

惱怒門 二則

瘡啞門 三則

瘟疫門 一則

種嗣門 九則

婦人科

卷之十一

帶門 五則

血枯門 二則

血崩門 七則

調經門 十四則

受娠門 十則

姙娠惡阻門 二則

卷之十二

安胎門 十則

小產門 五則

鬼胎門 一則

難產門 六則

血暈門 三則

胞衣不下門 二則

產後諸病門 十一則

下乳門 二則

卷之十三 外科

背癰門 七則

肺癰門 四則

肝癰門 二則

大腸癰門 三則

小腸癰門 三則

無名腫毒門 二則

對口疽門 一則

腦疽門 一則

囊癰門 二則

臂癰門 一則

乳癰門 四則

疔瘡門 一則

多骨癰門 一則

惡疽門 一則

拳疽門 一則

楊梅瘡門 五則

腰疽門 一則

唇疔門 一則

脚疽門 二則

鬚疽門 一則

頑瘡門 二則

凍瘡門 二則

痔漏門 四則

物傷門 三則

接骨門 二則

金瘡門 一則

肚癰門 一則

癰門 一則

刑杖門 一則

卷之十四 幼科

驚風吐瀉門 七則

便毒門 一則

痘瘡門 十五則

疹症門 三則

喫泥門 一則

胎毒門 一則

辨證錄卷之十一

山陰陳士鐸敬之甫號遠公又號老華子著述

會稽陶式玉尚白甫號存齋文號

於許

婦人科

帶門

婦人有終年累月下流白物如涕如唾不能禁止甚則臭穢所謂白帶也夫帶是淫病以帶名者由婦人有帶脈不能約束故以帶名之帶脈通於任督之脈任督病而帶脈亦病帶脈者所以束胎之係也婦人無此則難以繫胎故帶脈弱而胎易墮若損傷帶脈則胎必不牢然帶脈損傷由獨跌閃挫氣也行房過於縱送飲酒出於顛狂雖無疼痛之苦其中暗耗則白物自下故帶病尼師寡婦出嫁之女多處子在閣未破瓜之女少也然室女天稟虛弱者亦有此病况加之脾氣虛肝氣之鬱淫氣之侵火氣之逼安得不患此症哉夫淫盛大衰肝鬱脾虛則脾土受傷淫土之氣下陷是以脾精不守不能化為榮血變成白滑之物由陰間直下欲自禁止而不可得也治法宜大補脾胃之氣少佐之舒鬱之味使風水不閉塞於地中則地氣自生騰於天上脾氣健而淫氣自消方用完帶湯白朮一兩蒼朮三錢甘草一錢車前子三錢山藥一兩陳皮五分人參二錢白芍五錢柴胡六分荆芥五分半夏一錢水煎服二劑輕四劑止六劑全愈此方脾胃肝三經同治之法寓補於升寄消於散開提肝木之氣則肝血不燥何致下尅於脾土補益脾土之元則脾

經不溼何難分消夫水氣至於補脾而兼補胃者脾胃表裡也脾非胃氣之強則脾不能旺補胃正所以補脾耳

此症用米帶湯亦妙

雞冠花一兩白朮一兩水煎二劑即愈鮮冠花三兩

婦人有帶下色紅者似血非血所謂赤帶也赤帶亦溼病火熱之故也惟是帶脈係於腰膺之間近於至陰之地不宜有火不知帶脈不通腎而通肝婦人憂思以傷脾又加鬱怒以傷肝於是肝火內熾下尅脾土而脾土不能運化溼熱之氣蘊結於帶脈之間肝火焚燒肝血不藏亦滲於帶脈之內帶脈因脾氣之傷約束無力溼熱之氣隨氣下陷同血俱下觀其形象似血非血其實血與溼俱不能兩分之也世人以赤帶屬之心火者誤耳治法清肝中之火扶其脾氣則亦淋庶幾少愈乎方用清肝止淋湯為藥一兩當歸一兩阿膠三錢生地五錢丹皮三錢黃柏一錢牛膝二錢黑豆一兩香附一錢紅棗十枚水煎服一劑少止二劑又少止四劑全止十劑不再發此方但去補肝之血全不利脾之溼者以赤帶之病火重而溼輕也夫火之所以旺者由於血之衰也補血足以制火矣且水與血合成赤帶竟不能辨其是溼而非輕則溼盡化為血矣所以治血可也何必利溼哉此方純治血少加清火之味故奏功獨奇倘一利其溼反引火下行轉難遽效耳或問先前言助其脾土今但補肝木之血絕不補脾土之氣何也不知用芍藥以平肝則肝氣得舒自不去尅脾土是補肝中所以扶脾何必加人參白朮之多事哉

此症用黃白牛
車散亦效

半勝一兩車前子三錢黃柏二
錢白芍一兩水煎服四劑愈

婦人有帶下而色黑者其則下如墨汁其氣最腥人以為下寒之極也誰知是大熱之極乎夫大色宜紅何成黑色不知大極似水乃假象也其症必然腹痛小便時必如刀觸陰門必發腫面色必紅久則黃瘦飲食蕪人口必大渴水飲少覺寬快此命門之火與膀胱三焦之火合胃火又旺四大同煎安得不熱乾成炭色耶此等之症不致發狂者以腎水與肺金之氣涓涓不絕足以潤心而濟胃耳所以飲水下胃但成帶下之症大結於下而不炎於上也治法惟以瀉火為主火退而溼熱自舒也方用利火湯大黃三錢白朮五錢茯苓三錢車前子三錢王不留行三錢劉寄奴三錢黃連三錢炒梔子三錢石膏五錢知母二錢水煎服一劑小便大利二劑黑帶變為白帶矣三劑白帶亦少減去一半再服三劑全愈此方未免過於迅利殊不知火盛之時用不得依違之法救焚而少為迂緩則火勢延燒不盡不止今用黃連石膏知母梔子一派寒涼瀉火之味入於大黃之中則迅速掃除又得王不留行與寄奴之味利溼甚急俱無停住之機佐白朮車前子茯苓成既濟之功也

此症用清帶
湯亦效

炒梔子三錢黃柏三錢甘草一錢白芍一兩車前子二
錢王不留行二錢麥冬一兩玄參二兩水煎服四劑愈

婦人有帶下色黃者宛如黃茶濃汁其氣帶腥人以為脾經之溼熱誰知是任脈之溼熱乎夫任脈

本不能容水如何溼氣入於中而化為黃帶乎不知帶脈通於任脈任脈直上走於唇齒唇齒之間原有不斷之泉下灌於任脈使任脈無熱則口中津液盡化為精以入於腎中矣惟有熱以存於下焦之間則津不化精而化溼夫水色白火色紅今溼與熱合欲變紅而不能欲返白而不得煎熬成汁因變為黃色矣黃乃土之色也真水真火合而成丹邪水邪火合而成帶世人以黃帶為脾之溼熱單去治脾此黃帶之所以難痊也方用退黃湯治之山藥一兩芡實一兩黃柏二錢車前子一錢白朮一枚水煎服連用四劑無不全愈凡有白帶者俱可以此方治之而治黃帶尤奏奇功蓋山藥芡實專補任脈之虛又能利水加之白朮引入任脈之中更為便捷所以奏功甚速至所用黃柏清腎中之火腎與任脈相通同羣共濟解腎中之火即解任脈之熱矣

此症亦可用解帶利溼湯治之

白朮茯苓各一兩澤瀉車前子炒梔子各二錢水煎服

婦人有帶下色青者甚則色綠如綠豆汁稠黏不斷其氣亦腥此肝經之溼熱也夫肝屬木木之色屬青帶下流如綠豆之汁明是肝木之病但肝最喜水溼亦水也何以竟成青帶之症不知水雖為肝所喜熱實為肝之所惡以所惡者合之所喜必有違其性者矣肝之性既為則肝之氣必逆氣欲上升溼欲下降兩相牽掣必停住於中焦之間於是走於帶脈從陰門而出其色青綠者正乘肝木之氣也逆輕者熱必輕而色青逆重者熱必重而色綠似乎治青者易治綠者難然而解其肝中之火利其膀胱之水則帶病自愈矣方用逍遙散加減治之茯苓五錢白朮五錢甘草

五分陳皮一錢柴胡一錢白芍五錢茵陳三錢炒梔子三錢水煎服二劑色淡四劑青綠之帶純不必多劑也夫逍遙散解鬱之方也何取之以治青帶如是之神耶蓋肝經溼熱留之者因肝氣之逆也逍遙散最解肝之逆氣平則溼熱逆氣難留況益之茵陳之利溼梔子清熱肝氣清涼青綠之帶何自來乎此方之所以奇而可用也倘僅治青帶惟以利溼清熱為事置肝氣於不問亦安有止帶之日哉

此症用利肝解

溼湯亦效

白芍二兩茯苓一兩乾雞冠花五錢炒梔子三錢水煎服

血枯門

婦人有年未至七七之期經水先斷者人以為血枯經閉誰知是心肝脾之氣鬱乎人若血枯安能久延人世醫見其經水不行謂其血枯其寔非血枯乃血閉也且經水非血也乃天一之水出之腎經之中至陰之精而有至陽之氣故其色紅赤似血而非血也世人以經水為血此千古之悞倘果是血何不名之曰血水古昔至聖創經水者以出於腎經故以經名之然則經水早斷似乎腎水之衰涸吾以為心肝脾之氣鬱者何蓋腎水之生不由於三經而腎水之化實關於三經也腎非肝氣之相通則腎氣不能開腎非心氣之相交則腎氣不能上腎非脾氣之相養則腎氣不能成倘三經有一經之鬱則氣不入於腎之中腎之氣即閉塞而不宣況三經齊鬱縱腎水有足尚有格格難出之狀而腎氣原虛何以媾精盈滿化經水而外泄耶此經之所以閉有似乎血

枯耳治之法必須散三經之鬱大補其腎補腎之中仍補其三經之氣則精溢而經自通也方用
溢經湯熟地一兩白朮一兩山藥五錢生棗仁三錢白芍三錢當歸五錢丹皮二錢沙參三錢柴
胡一錢杜仲一錢人參二錢水煎服連服八劑而經通矣服一月人健不再經閉兼易受孕此方
心肝脾腎四經同治之藥補以通之散以開之也倘徒補則鬱不開而生大倘徒散則氣益衰而
耗精設或用攻堅之味辛熱之品不特無益而反害之也

此症用續補

湯亦效

人參二錢當歸五錢白芍三錢柴胡五分麥冬五錢北五味十粒白朮一兩
巴戟天五錢炒棗仁五錢紅花五分牛膝一錢沙參三錢水煎服十劑必通

人有在室未嫁者月經不來腹大如娠面色乍赤乍白脈乍大乍小以為血枯經閉也誰是知靈鬼
憑身乎大凡人心正則邪不能侵心邪則邪自來犯或精神恍惚夢裏求親或眼目昏花日中相
狎或假戚屬暗處貪歡或明言仙人靜地取樂其先未嘗不驚詫為奇遇而不肯告其後則羞赧
為淫褻而不敢告人矣年深月久人之精血僅足以供腹中之邪邪日旺而正日衰勢必至經閉
血枯死而後已欲導其經邪據其腹而經難通欲生其血邪飲其精而血難長醫以為胎而非胎
醫以為癥而非癥往往有因循等待成為癆瘵之之症至死不悟不重可悲乎治法似宜補正以
邪然而邪之不去補正亦無益也必先去邪其而後補正為得耳方用蕩邪丹雷丸三錢桃仁三
十粒大黃三錢當歸五錢丹皮五錢生甘草一錢水煎服一劑必下穢物半桶再用調正湯治之
白朮五錢蒼朮五錢茯苓三錢陳皮一錢甘草一錢薏仁五錢貝母一錢水煎服連用四劑脾胃

之氣轉經血漸行矣前方蕩邪後方補正是有次第也或疑身懷鬼胎必傷其血所以血枯而後經閉也今既墮其胎乃不補血反補胃氣者何故蓋鬼氣中人其正氣之虛可知且血不能驟生補氣自易生血二朮善補陽氣陽氣旺而陰氣難犯尤善後之妙法也倘服補血之藥則陰以招陰吾恐鬼胎雖下鬼氣未必不再種矣故若不補其陽氣使鬼崇難侵生血愈速耳

此症用救鬼破胎湯亦效

水蛭沙黑研為細末三錢丹皮五錢當歸尾五錢大黃三錢厚朴二錢紅花五錢牛膝三錢生地五錢桃仁去尖研碎水與酒同煎一碗空心服一劑即下胎如不下再服二劑無不下者不劑也

血崩門

一婦人有一時血崩雙目黑暗昏暈於地者人以為大盛動血也然此大非寔大也乃虛大耳世人一見血崩往往用止澀之藥雖亦能取效於一時而虛大未補易於沖擊隨止隨發終年終月不能愈者是止崩之藥斷不可用必須於補之中行其止之法方用固本止崩湯熟地一兩白朮一兩黃芪三錢人參三錢當歸五錢沙黑乾姜二錢水煎服一劑崩止十劑永不冉發倘畏藥味之重減去其半則力量甚薄不能止矣方中全不去止血惟去補血且不僅補血更去補氣非惟補氣兼且補火何也夫血崩至于黑暗昏暈則血已盡去僅存一線之氣若不急補氣而先補血則有形之血不能速生無形之氣必且盡散此所以不補血而先救氣也然而補氣而不補血則血又不能易生補血而不補火則血且凝滯不能隨氣而速生也况乾姜引血歸經補中有收所以

聞補氣血之藥並用之早

此症可用補

虛寧血湯

當歸五錢熟地一兩黃芪一兩甘草一錢炒
黑荆芥三錢水煎服一劑即止崩四劑全愈

一老婦血崩目暗暈地人以老為婦虛極因不慎房勞之故也誰知多言傷氣

不節飲食之

故乎夫老婦原宜節損飲食復加閉口始氣不傷而神旺無奈老婦聞喜事而心開稱譽不肯閉
舌未免有不宣言而言者況原有宿疾安肯無言故一發而不可救夫老婦血衰因氣虛之極而
不能生也況加之多言耗氣又安能助氣以生血乎氣益衰而血難長矣故任衝大開欲不崩而
不可得者治法必止其血也誰知血愈止而愈多以氣衰不能攝血耳方用助氣斂血湯白朮二
兩土炒黃芪四兩醋炒三七末三錢水煎服一劑血少止二劑血止四劑全愈此方補氣不補血
以氣能止血也加之醋炒芪朮以酸能救血也加之三七者以其能斷血也然必多服始能愈
者以老婦血虧氣衰不大補何以止其耗散之原陽使氣旺以生血乎然此方可以暫止老婦之
血不能久旺老婦之氣也另用前方去三七而多加當歸用補血湯朝夕吞服並行為 得到

有老婦血崩者其症亦與前人同以為老婦之虛耳誰知因虛有不慎房幃之故哉婦人至五十之
外者天癸匱乏原宜閉關不宜出戰苟或適與草草了事尚不致腎火大動倘與酣浪鬪一如少
年時解不血色大開崩決而墜矣方用當歸補血湯加味療之黃芪一兩當歸一兩三七根末三
錢桑葉十四片水煎服二劑而血止四劑不再發然必須斷慾也設再發忌未有不重病者也夫

補血湯乃氣血雙補之神劑三七根乃止血之聖藥加入桑葉滋其腎中之陰又有收斂之妙旨但老婦陰精既虧用此方以止其暫時之漏實有奇功不可責其永遠之績者以補精之味尚也服此方四劑之後增入白朮五錢熟地一兩山藥四錢麥冬三錢北五味一錢服三月則崩血可以盡除矣

此症用閉血湯亦效

崩漏人參五錢加熟地一兩山藥五錢麥冬五錢丹服四劑全愈

有少婦甫受孕三月即便血崩胎亦墮墜人以為挫閃受傷而血崩也誰知是行房不慎哉少年人行房亦事之常也何使血崩亦因其氣之衰耳凡婦人氣衰者不耐久戰戰久則必泄精精泄太多則氣益不能收攝夫血矣況加久戰則虛火內動精門不闔而血室亦不能閉於是胎不能固內外齊動而血又何能固哉治法自當以補氣為主而少佐之止血之味方用固氣湯人參五錢白朮五錢當歸三錢熟地五錢茯苓二錢甘草一錢杜仲三錢山藥二錢遠志一錢五味子十粒水煎服一劑血止連服十劑全愈此方固氣而兼補其血已去之血可以速生將脫之血可以盡攝凡因虛血崩者此方最宜通治非僅治小產之血崩也茲方不去止血而止血之味已全於中所以可通治耳

人參三錢白朮五錢茯苓山藥麥冬各三錢遠志五分杜仲山藥各二錢阿膠三錢甘草一錢水煎服一劑即愈

有婦人一文感流血不止者雖不至血崩之甚然至終年不愈未免氣血兩傷久則有血枯經閉之

憂此等之病成於月經來時貪歡交感精冲血管也夫血管不可精傷凡婦人受孕乃血管已淨之時倘經初來其血正旺彼欲出而精射之則所泄之血盡退而縮入既不能受孕成胎勢必至積精化血遇交感之時淫氣觸動其舊日之精則兩氣相感精欲出而血即隨之俱出矣治法須通其胞胎之氣引精外出益之填精補氣之藥則血管之傷可以丹補方用引精止血湯人參五錢白朮一兩茯苓三錢車前子三錢黃柏五分炒黑乾姜一錢熟地一兩山茱萸五錢炒黑荆芥三錢水煎服連服四劑即愈十劑不丹發此方用參朮補氣用熟地山藥補精精氣既旺則血管自然流動加入茯苓車前利其尿竅尿竅利而血竅亦利矣加入黃柏直入于血管之中引風精出于血管之口丹荆芥引敗血出于血管之外益之炒黑乾姜止其血管之口一方之中寔有調停曲折之妙故能除舊疾而去陳疴也然既服此藥必須慎房幃三月則破者不至重傷補者不至丹損否則亦止可取目前之效耳慎之哉

此症用截流丹亦甚效

茯苓炒黑荆芥車前子各三錢牛膝人參各三錢熟地一兩白朮一兩新文一錢肉桂三分水煎服十劑全愈

婦人有懷抱甚鬱口乾作渴嘔吐吞酸而血下崩者人以大治之時而效時而不效者蓋肝氣之結也夫肝主藏血氣結宜血結矣何反致崩漏不知肝性甚急氣結其性更急矣急則血不能藏矣治法宜開鬱為王然徒開其鬱不用平肝之藥則肝氣大開肝火更熾血亦何能止遏也方用平肝止血湯白芍一兩白朮一兩當歸一兩柴胡一錢三七根末三錢甘草二錢丹皮三錢荆芥二

錢生地三錢水煎服一劑嘔吐止二劑乾渴除四劑血崩自愈白芍平肝得柴胡而鬱氣盡解一
朮利腰膝血無積佳之慮荆芥通經絡血有歸還之藥丹皮涼其骨髓之熱生地清其臟腑之
當歸三七於補血之中行止血之法自鬱散而血止也

此症用舒肝藏
血湯亦佳

白芍一兩香附三錢根末各三錢陳皮五分甘
草一錢當歸白朮各五錢白芥子一錢水煎調服

婦人有升高墜下或閃跌受傷以致惡血下冲有如血崩者若作血崩治之用止瀉之藥適所以
之也其症必然按之疼痛久則面目痿黃形容枯槁治法須行血去瘀活血止疼則其血自止
不解其瘀痛即用補澀之品則瘀血內攻痛不能止反致新血不生舊血作祟也方用逐瘀止
湯大黃三錢生地一兩當歸尾五錢敗龜板三錢芍藥二錢丹皮一錢枳殼五分桃仁十粒水煎
服一劑痛輕再劑痛止三劑血亦全止矣不必服四劑也此方于活血之中佐以下治之藥故逐
瘀如掃止血亦如神也此跌閃升墮非由內傷而致其本實不撥去標之病可耳何必顧其本
補其內哉

此症用靈龜散
血湯亦甚效

敗龜板一兩生地一兩大黃一錢丹皮三錢紅
花二錢桃仁十四個水煎服一劑重二劑愈

人有每行人道經水即來一如血崩人以為胞胎有傷觸之以動其血也誰知子宮血海因熱不
之故乎子宮即在胞胎之下而血海又在胞胎之上血海者衝脈也衝脈寒而血虧衝脈熱

血沸血崩之病正衝脈之熱也然而衝脈既熱宜血之日崩矣何必交接而始血來蓋脾與肝之無恙也脾健則能攝血肝平則能藏血人未入房則君相二火寂然不動雖衝脈獨熱血不外泄乃至交接則子宮大開君相之火翕然齊動鼓其精房而血海泛溢有不可止遏之勢肝欲藏血而不能脾欲攝血而不得故經水隨交而至若有聲應之捷焉治法必須絕慾者三月然後用滋陰降火之藥涼其血海則終身之病可半截而愈也方用清海丸熟地一觔桑葉一觔白朮一觔玄參一觔山茱萸八兩北五味三兩麥冬十兩地骨皮十兩丹皮十兩沙參十兩白芍一觔龍骨醋淬二錢山藥十兩石斛八兩各為細末蜜為丸每日早晚白滾水各送下五錢服半年全愈此方補陰而無浮動之虞縮血而無寒冷之害日計不足月計有餘潛移默奪子宮清涼血海自固也倘不治其本源止以髮灰白礬黃連五倍子外治其幽隱之處吾恐愈塞愈流也

此症用清火歸

經湯亦效

人參白芍各一兩舊棕櫚炒灰二錢黃柏末二錢甘草一錢三七根末三錢水煎調服十劑可愈二十劑愈全然必須絕慾事三月否則要犯也

調經門

婦人有先斯經來者其經水甚多人以為血熱之極也誰知腎中之水火旺乎夫火旺則血熱水旺則血多此有餘之病非不足之症也似不藥有喜但過於有餘則子宮大熱亦難受孕恐有燥乾男精之慮太過者損之亦既濟之道也然而火不可任其有餘水斷不可使之不足治法但少清其火不必瀉水也方用丹皮三錢地骨皮五錢白芍三錢青蒿一錢黃柏五分熟地三錢茯苓二